



息縣志卷之八

內紀 紀述 災異

志曰息地在虞夏時其分疆統于豫州別無事蹟可考
自周分封以來始有實徵其見之於春秋左傳者尙
畧而不詳迨遍考漢晉北魏諸書暨唐宋元明各代
史其于治亂興衰之故詳哉其言之矣然非遍爲採
擇各列一編終屬散見而不可收拾往古來今何以
開卷瞭然乎斯編之成肇于虞而終于

國朝凡事切于息者備載無遺一披覽間則上下數千百
年之光景如在目前矣惟桑與梓必恭敬止誰謂生
斯息也者而可忽諸 內紀總序

...

...

...

...

...

...

...

...

...

...

...

...

息縣志卷之八

紀述

虞

帝舜肇分天下爲十二州以淮之北與西屬豫州

釋云汝寧府屬豫州息舊隸汝寧

夏

禹貢分天下爲九州以荆河爲豫州

息仍屬豫州

商

西伯文王化行南國汝旁之國先被其化故豈國

息屬汝旁之國

周

周武王十三年己卯夏四月大封同姓息始建國

息姬姓侯爵未詳始封所自出

周桓王八年己巳秋七月鄭息有違言息侯伐鄭鄭伯寤生與戰於竟息師敗績

左傳鄭息有違言息侯伐鄭鄭伯與戰於竟息師大敗而還君子是以知息之將亡也不度德不量力不親親不徵辭不察有罪犯五不韙而以伐人其喪師也不亦宜乎

周莊王十三年秋九月息侯使荆人來伐己誘蔡侯使救之荆敗蔡師於莘以蔡侯獻舞歸

國名紀侯爵今蔡之新息北三十有古息城西十里
有息侯廟左傳蔡哀侯娶於陳息侯亦娶焉息嬀將
歸過蔡蔡侯曰吾姨也止而享之弗賓息侯聞之怒
使謂楚文王曰伐我吾求救於蔡而伐之楚子從之
秋九月楚子敗蔡師於莘以蔡侯獻舞歸

周僖王二年荆滅息

左傳蔡哀侯爲莘故繩息嬀以語楚子楚子如息以
食人享遂滅息以息嬀歸生堵敖及成王焉未言楚
子問之對曰吾一婦人而事二夫縱弗能死其又奚
言楚子以蔡侯滅息遂伐蔡秋七月楚入蔡 附錄
劉向烈女傳周息嬀息君之夫人楚伐息破之虜其

息縣志卷之六
君使守門將妻其夫人而納之于宮楚王出遊夫人
遂出見息君謂之曰人生要一死而已何至自苦妾
無須臾而忘君也終不以身更醮生離於地上豈如
死歸于地下哉乃作詩曰穀則異室死則同穴謂予
不信有如皦日息君止之夫人不聽遂自殺息君亦
自殺同日俱死楚王賢其夫人守節有義乃以諸侯
之禮合而葬之此傳與左傳互異按春秋三傳所紀
亦多牴牾不合趙莊姬事左傳與史記不同乃並存
之學士家多稱史記者蓋史以徵信必從畫一志以
表善不妨兼收義各有所取亦君子善善之遺也

周惠王十九年秋九月齊侯宋公江人黃人盟於貫

國名紀云江嬴姓晉志汝南陽安江亭也按信陽縣之東南新息之西有陽安故城又安陽註曰故江國舊志云春秋時江國一統志因安陽誤也今姑存之周惠王二十年秋齊侯宋公江人黃人會於陽穀

左傳謀伐楚也

周惠王三十一年江人黃人同魯侯伐陳

杜註時齊不行使魯爲主公羊傳濤塗謂桓公曰君能服南夷矣何不還師濱海而東賊東夷且歸桓公曰諾於是還師濱海而東大隗於浦澤之中顧而報濤塗左傳秋伐陳討不忠也

周襄王十七年楚闕克屈禦寇以申息之師戍商密

左傳秋秦晉伐都楚鬬克屈禦寇以申息之師戍商密秦人過析隈入而係輿人以圍商密昏而傳焉宵坎血加書僞與子儀子邊盟者商人懼曰秦取析矣成人反矣乃降秦師秦囚申公子儀息公子邊以歸周襄王二十年夏四月楚大夫得臣救衛以申息之師從已巳與晉師戰於城濮楚師敗績

左傳楚子使謂得臣曰大夫若入其若申息之父老何

周襄王二十八年秋楚人圍江冬晉陽處父帥師伐楚以救江

左傳楚師圍江晉先僕伐楚以救江冬晉以江故告

於周王叔桓公晉陽處父伐楚以救江次於方城遇
息公子朱而還

周襄王二十九年秋楚人滅江

左傳楚人滅江秦伯爲之降服出次不舉過數大夫
諫公曰同盟滅雖不能救敢不矜乎吾自懼也

周頃王二年陳侯鄭伯會楚子於息

左傳陳侯鄭伯會楚子於息冬遂及蔡侯次於厥貉
將以伐宋

周景王七年楚子滅賴

國名紀子爵蔡之褒信有賴亭楚滅之左傳遂以諸
侯滅賴賴子面縛銜璧肉袒輿櫬從之造於中軍王

問諸椒舉對曰成王克許許僖公如是王親釋其縛受其璧焚其櫬王從之還賴於鄢

周簡王元年丙子冬晉大夫欒書侵蔡遂侵楚敗申息之師于桑隧

左傳晉欒書侵蔡遂侵楚獲申驪楚師之還也晉侵沈獲沈子揖初從知范韓也君子曰從善如流宜哉子儀之亂析公奔晉晉人寘諸戎車之殿以爲謀主繞角之役晉將遁矣析公曰楚師輕窵易震蕩也若多鼓鈞聲以夜軍之楚師必遁晉人從之楚師宵潰晉遂侵蔡襲沈獲其君敗申息之師于桑隧獲申驪而還

周敬王十四年吳入郢楚司馬戌自息而還死於雍滋
左傳庚辰吳入郢左司馬戌及息而還敗吳師於雍
滋傷謂其臣曰誰能免吾首吳句卑曰臣可乎三戰
皆傷曰吾不可用也巴句卑布裳剄而裹之藏其身
而以其首免

周敬王四十一年楚白公勝作亂殺子西子期於朝以
劫楚惠王葉公沈諸梁自葉進師討之勝敗奔山自縊
死

國名紀白蔡之包偉西南白亭是左傳鄭人殺子木
其子曰勝在吳子西欲召之葉公曰吾聞勝也詐而
亂無乃害乎子西曰吾聞勝也信而勇不爲不義舍

諸邊境使衛藩焉召之使處吳竟爲白公請伐鄭子
西曰楚未節也不然吾不忘也他日又請許之晉人
伐鄭楚救之與盟勝怒曰鄭人在此誓不遠矣吳人
伐慎白公敗之請以戰備獻許之遂作亂秋七月殺
子西子期於朝而劫惠王葉公主遇箴尹固帥其屬
將與白公子高曰微二子者楚不國矣棄德從賊其
可保乎乃從葉公使與國人以攻白公白公奔山而

縊

秦

秦始皇二十六年分天下以爲三十六郡

通考云弋陽屬九江郡汝寧屬潁川郡

漢

漢高祖五年置汝南郡

漢書地理志汝南郡縣三十七有新息陽安其後徙東故加新因新莽曰新德云

漢昭帝二年封上官桀爲陽安侯

漢書大將軍光左將軍桀皆以前捕斬反虜重合侯馬通功封光爲博陸侯桀爲陽安侯

東漢

漢光武建武二年秋七月光祿大夫鄧晨持節監執金吾賈復擊召陵新息賊皆平

後漢書賈復傳更始鄧王尹尊及諸大將軍在南方

未降者甚多帝召諸將議兵事未有立沉吟久之乃以檄叩地曰郾最强宛次之誰當擊之復率然對曰臣請擊郾帝笑曰執金吾擊郾吾復何憂遂遣復與騎都尉陰識驍騎將軍劉植南度五社津擊郾連破之尹尊降遂定其地引東擊更始淮陽太守暴記記降屬縣悉平其秋南擊新息平定之

漢建武十九年封伏波將軍馬援爲新息侯

後漢書列傳明年斬徵側徵貳傳首洛陽封援爲新息侯

漢中平五年戊辰夏四月汝南葛陂黃巾賊攻沒州郡世傳縣東南三十里有葛陂卽費長房投杖化龍處

漢靈帝建寧三年新蔡長李言請修復青陂上從之
水經注建寧三年新蔡長河南緱氏李言上請修復
青陂司徒臣訓尚書臣襲奏可於洛陽宮青陂東塘
南樹碑稱青陂在縣坤地源起桐柏淮川別流入於
潁潁逕新息牆陂衍入褒信界灌漑田五百餘頃
漢建安五年庚辰秋袁紹遣劉備畧汝南曹操遣將擊
之爲備所殺

世傳關羽辭曹來歸從備于古息城存考

魏

魏文帝延康元年以賈逵爲豫州刺史逵造新陂

三國史大軍出征至譙以逵爲豫州刺史州南與吳

接連明斥壤繕甲兵爲戰守之備賊不敢犯外修軍
旅內治民事遏鄢汝造新陂

晉

晉武帝泰始二年分汝南立汝陰郡

晉書地理志武帝受命分汝南立汝陰郡縣八內有
褒信

晉武帝咸寧三年冬十二月吳將薛瑩率衆向新息魯
淑向弋陽豫州刺史王渾潛兵濟淮擊破之

晉書王渾傳轉征虜將軍監豫州諸軍事假節領豫
州刺史渾與吳接境宣布威信前後降附甚多吳將
薛瑩魯淑衆十萬淑向弋陽瑩向新息時州兵並放

休息衆一旅浮淮潛濟出其不意瑩等不虞晉師之至渾擊破之

晉永嘉五年辛未冬十月石勒畧豫州諸郡築壘葛陂
課農造舟將趨建業

晉永嘉六年壬申春二月瑯琊王睿使將軍紀瞻討勒
勒敗走

勒軍饑疫引兵發葛陂遣石虎向壽春爲紀瞻所敗
追奔百里勒結陣以待旋退還

晉泰寧三年乙酉後趙將石生掠河南刺史李炬等敗
還

司豫皆沒以淮爲境矣